

Actividad 'Hunga y Siña' na Museo Numismatico Aruba pa muchanan lo bira algo unico.

Bo a yega di tende si sabiduria social.....?




STA. CRUZ -- Pa prome biaha museo ta organiza un actividad dedica completamente na mucha den cura di e museo.

Esaki ta un espacio cual museo tin hopi plan pe pero ainda no ta tur ta ser concretisa pa falta di fondo y personal. Asina mes e aña aki, hunto cu otro actor/organizacionnan, nos a yega na acuerdo pa uni forza y haci un evento di entretenimento den forma informativo/cultural.

Nos ta bay foi e pensamiento cu tur poco ta yuda y nos mester encauca mas informacion balioso den e mundo di nos muchanan cu ta posibel, inverti den e futuro di Aruba. Nan mester di informacion directo y sin basila pa nan bira hendenan culto y cu 'rugzak' yen di informacion clave pa nan futuro.

Tur hende por ripara cu cosnan no ta bay bon ora un mucha no ta riba e caminda desea. Educacion en berdad ta cuminsa na cas pero ora cu tin problema mayoria bez esaki ta bira problema di comunidad, tuma por ehempel formacion di gangnan of hobennan cu ta lanta man pa nan mayornan. Por nota cu na Aruba criminalidad y violencia a

bira ordo di dia. Mayoria hende lo puntra unda nan a faya? Esaki no ta e ora pa haci pregunta mas pero pa tuma accion si bo tin un yiu cu ta lantando, dune bo tempo y aunke esaki por ta limita purba di dune tempo



di calidad (quality time). Aruba henter mester lanta riba y pone nan atencion riba nos muchanan, esaki lo ta e yabi pa cuminsa brake e ola di violencia aki, corda bon cu violencia ta cana man den man cu ignorancia y nos mester ta directo cu otro riba e punto aki. Nos ta papia aki di Sabiduria Social.

Esaki ta un topico di sumo importancia pa e desaroyo di bo yiu y na Aruba nos no ta papia cu firmeza riba 'sabiduria social', siendo

cu esaki ya ta algo hopi importantena Europa y hasta nan por midi esaki door di haci pregunta na e mucha. Museo Numismatico Aruba lo dedica e dia aki pa infiltra y agrega mas informacion pa aporta na e sabiduria social di nos muchanan.

Deporte, cultura y religion ta e portanan pa bo educa bo yiu riba nan fihamente y lo bo waak e diferencia rapido entre bo yiu y muchanan cu no ta haya nada di esaki. Mente Sano y Curpa Sano no ta dijs palabranan pero ta un lema cu nos mester atene nos mes na dje. Si ainda abo mes como mayor no ta haciendo uso di por lo menos dos di e tres portanan,

bo no ta laat, ainda por. Si un cambio di estilo di bida ta necesario pa bo duna bo yiu lo mehor, anto haci esaki y waak pa bo mes cu lo bin un cambio positivo den e relacion entre abo y bo yiu.

Riba tur cos: dune semper un splicacion sincero y honesto riba tur bo actonan pasobra abo ta su ehempel, abo ta su spiel.

Pakiko Proyecto 'Hunga y Siña' ta importante pa comunidad? Museo Numismatico ta

hasi e evento aki cu e pensamiento den mente cu mester sali hopi mas actividad pa mucha foi museo pero nos ta cuminsa cu stap chiquito. Museo lo yuda mayornan pa guia nan yui den direccion desea. Tuma nota cu no ta Museo Numismatico so ta actor den e meta aki.

Tin hopi otro organizacionnan manera por ehempel biblioteca nacional, y otro museonan ta haciendo nan maximo esfuerzo pa cu programanan pa mucha of ta saca informacion educativo. Pa e actividadnan asina saca probecho, abo como mayor mester sostene e eventonan aki y trece bo yui, un esfuerzo cu ta saca fruta mayan.

Si e actividad aki bira uno exitoso di biaha lo bay over pa haci esaki un evento anual.

Directie di museo ta di acuerdo riba e oponencia cu ora bo haci algo un biaha so, e NO tin e efecto desea riba largo plazo. Nos ta spera di comberti e actividad aki den algo anual pa dune e continuidad y forza den e meta cu e tin: educa, informa y anima nos muchanan.

Museo ta stress riba estimulo pa competencia

sano den aspecto di arte como tambe preguntanan di quiz. Muchanan lo wordo motiva cu bunita premionan cual mayoria ta monedanan di plata masha interesante. Muchanan cu participa lo keda babuca ora nan gana nan premio y lo yena nan cu orguyo y sabiduria.

Accion pa reconoce nos muchanan den diferente ramo, un estimulo cu Museo ta pone riba su lista di prioridad.

Tres mucha lo wordo reconosi pa nan actonan na un edad hopi hoben. Esaki ta un forma pa stimula nos muchanan pa yeda caminda cu nan ta desea, nos mester muestra nan cu nos ta aprecianan hopi.

E actonan di reconocimiento museo a bin ta hasi e ultimo aña y lo sigui hasi como estimulo pa nos aprecia nos mes lo mas hopi posibel. Nos mester ta orguyoso di nos mes y hinca esaki den nos muchanan.

Entrada gratis. 30 di April 2006. 10 am – 4 pm, Museo Numismatico Aruba

Articulo scirbi pa:
Desiree Croes
Director JMOdor, Museo Numismatico / Museo Antigüedad Aruba 2006®

